



Avannaata
Kommunia

Inuussutissarsiorfimmit eqqakkanut malittarisassiat Avannaata Kommunia

Ukioq 2019

Suliarinnittoq: Ingerlatsinermut ataqatigiissarisooq

Imarisai

1 SIUNERTAQ.....	5
2 INATSISITIGUT TUNNGAVIGISAT	5
3 MALITTARISASSIANUT ATUUFFIIT	5
4 NASSUIAATIT	6
5 PISUSSAAFFIIT AAMMA PISINNAATITAAFFIIT	7
5.1 ATUINISSAMUT PISUSSAAFFIK.....	7
5.2 ATUILERNERMUT ATUIUNNAARNERMULLU NALUNAARNISSAMUT PISUSSAAFFIK	8
5.3 IMMIKKOORTITERINISSAMUT PISUSSAAFFIK	8
5.4 AKILIINISSAMUT PISUSSAAFFIK.....	8
5.5 ILISIMATITSINISSAMUT PISUSSAAFFIK.....	9
5.6 NALUNAARUTEQARNISSAMUT PISUSSAAFFIK	9
5.7 EQQAKKAT KATERSARINERI	9
5.8 IMMERSUIFFINNUT PIUMASAQAATIT	10
5.9 SALIGAATSUUTITSINEQ.....	10
5.10 EQQAKKAT ASSARTORTARNERI	11
6 AAQIISUTIT	11
6.1 KATERSUINERMUT AAQIISUTIT	11
6.2 INNERSUUSSINERNUT AAQIISUTIT	12
6.3 PIVIOUSUNUT INNERSUUSSINEQ	122
6.4 MISILERAANERMUT AAQIISUT	122
6.5 UMIARSUALIVINNI TIGOORAAVITTUT AAQIISUTIT	122
6.6 INISSIAQARFINNIT TIGOORAAVITTUT AAQIISUTIT.....	122
7 AATSITASSANIK UJAASIFFIMMIT AATSITASSARSIORFIMMILLU EQQAKKAT.....	133
8 NAKKUTILLINEQ AQUTSINERNERLU.....	133
9 AKITSUUTIT	133
10 IMMICKUT AKUERSISSUTIT	144
11 SAAFFIGINNINNERIT MAALAAARUTILLU	144
12 UNIOQQUTITSINERIT PINEQAATISSIINERILLU	144
13 PIGINNAATITSISSUT	155
14 ATUUTILERNERA	155
Malittarisassiat IMMICKUT ITTORTAI	17
1 EQQAGASSAT NALINGINNARTUT ITTUT.....	188
1.1 EQQAGASSAT NALINGINNARTUT ITTUT SUUPPAT	188
1.2 AAQIISUT KIKKUNNUT ATUUPPA	188
1.3 AAQIISUMMUT NASSUIAAT	188
1.4 IMMERSUIFFIIT.....	188
1.5 IMMERSUIFFIIT INISSINNERI	199
1.6 IMMERSUIFFIIT ATORLUGILLU IMMERSORNERI.....	199
1.7 SALIGAATSUUTITSINEQ.....	199

1.8 AALLERNEQ	199
1.9 EQQAVALERINISSAMUT PEQATAANISSAMUT NALUNAARNEQ PEQATAAJUNNAARNISSAMULLU NALUNAARNEQ	20
2 EQQAGASSAT NAVIANARTUT	20
2.1 EQQAGASSAT NAVIANARTUT SUUPPAT. ELEKTRONIKKIMIT EQQAKKAT AAMMA NILLATAARTITSIVIIT/QERITITSIVIIT	20
2.2 AAQIISSTUT KIKKUNNUT ATUUPPA	221
2.3 AAQIISSTUMMUT NASSUIAAT	221
2.4 KATERSARINERINUT ASSARTORNERINULLU IMMERSUIFFINNUT PIUMASAQAATIT	221
3 ISSOQ MINGUTSITAQ	22
3.1 ISSOQ MINGUTSITAQ SUUA.....	22
3.2 AAQIISSTUT KIKKUNNUT ATUUPPA	22
3.3 AAQIISSTUMMUT NASSUIAAT	22
4 QISUNNIT EQQAGASSAT	233
4.1 QISUNNIT EQQAGASSAT SUUPPAT	233
4.2 AAQIISSTUT KIKKUNNUT ATUUPPA	233
4.3 AAQIISSTUMMUT NASSUIAAT	233
4.4 IMM. 1 – QISUIT TOQQAANNARTUMIK ATOQQISSINNAASAT	233
4.5 IMM. 2 – QISUIT PANERTUT MINGOQANNGITSUT	24
4.6 IMM. 3 – QISUIT QALIPATAT.....	244
4.7 IMM. 4 – QISUIT AANAVERSAARSIMASAT	244
5 SAVIMERNIT AAMMA SISAAT	25
5.1 NASSUIAAT	255
5.2 AAQIISSTUT KIKKUNNUT ATUUPPA	255
5.3 AAQIISSTUMMUT NASSUIAAT	255
6 EQQAKKAT IKUALLASSINNAASAT	26
6.1 NASSUIAAT	266
6.2 AAQIISSTUT KIKKUNNUT ATUUPPA	266
6.3 AAQIISSTUMMUT NASSUIAAT	266
6.4 IMMERSUIFFIIT.....	266
6.5 IMMERSUIFFIIT IMAQQORTUSSUSISSAAT	266
6.6 IMMERSUIFFIIT INISSINNISSAAT	277
6.7 IMMERSUIFFIIT ATORLUGILLU IMMERSORNERI.....	277
6.8 IMMERSUIFFIIT SALIGAATSUUTINNERI.....	277
7 TOQQORTARINEQARSINNAASUTUT EQQAKKAT	277
7.1 NASSUIAAT	277
7.2 AAQIISSTUT KIKKUNNUT ATUUPPA	277
7.3 AAQIISSTUMMUT NASSUIAAT	277
8 EQQAGASSAT ANGISUUT.....	28
8.1 EQQAGASSAT ANGISUUT SUUPPAT.....	288

8.2 AAQIISSUT KIKKUNNUT ATUUPPA	288
8.3 AAQIISSUMMUT NASSUIAAT	288
8.4 ATOQQITASSAASIVIIT	288
9 ILLULIORLUNILU SANAARTORNERMIT EQQAKKAT	29
9.1 ILLULIORLUNILU SANAARTORNERMIT EQQAKKAT SUUPPAT	299
9.2 AAQIISSUT KIKKUNNUT ATUUPPA	299
9.3 AAQIISSUMMUT NASSUIAAT	299
10 MISILERAANERMUT AAQIISSUT	30
10.1 MISILERAANERMUT AAQIISSUT SUUA	30
10.2 AAQIISSUT KIKKUNNUT ATUUPPA	30
10.3 EQQAKKANIK ATOQQISSINNAASANIK NASSUIAAT	30
10.4 AAQIISSUMMUT NASSUIAAT	30

1 SIUNERTAQ

Avannaata Kommunianni najugaqarfinni inuussutissarsiorfiit eqqagaannut katersuisarnermut innersuutitullu aaqqiissutinut malittarisassanik malittarisassiat makku aalajangersaapput. Inuussutissarsiorfiit eqqakkanik tamanik pitsaasumik immikkoortiterisarnissaq, suliaqartarnissaq aamma eqqaasarnissaq malittarisassiat qulakkiissavaat.

Inuussutissarsiorfiit eqqakkat iluaqutaasinnaassusaannik siursaanikkut mingutsitsinermik saligaatsuutitsinngitsumillu pissutsinik pinaveersitsinissaat, kiisalu isumalluutinik atugaqarnerup killilersimaartinnissaa malittarisassiat siunertaraat.

2 INATSIITIGUT TUNNGAVIGISAT

Malittarisassiat avatangiisinut inatsisaasut atuuttut toqqammavigalugit suliarineqarput.

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq, § 51, imm. 2, § 47, § 39, § 66.
- Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq, § 21, imm., 2, § 26
- Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq, § 13, § 15, § 10, § 19

3 MALITTARISASSIANUT ATUUFFIIT

Avannaata Kommunianni najugaqarfiusunut tamanut malittarisassiat atuuffeqarput. Illoqarfinni nunaqarfinnilu pissutsit kiffartuusseriaatsillu assigiinnginnerujussui pissutigalugit malittarisassiani inissisimaffiit taakkua immikkoortinneqarput. Kommunimi najugaqarfiit killeqarfii qaangerlugit malittarisassiat assigiit inissisimaffinnut ukununnga atuupput:

- Illoqarfiit
- Nunaqarfiit

Avannaata Kommunianni inuussutissarsarsiorfiit eqqagaat tamakkerlugit malittarisassiani pineqarput, makkununngali atuunnatik:

1. Anartarfilerineq, Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq, aamma Avannaata Kommunianni anartarfilerinerit malittarisassiaq malillugit inatsilersugaasoq.
2. Eqqakkat ulorianartumik qinngornertallit (Namminersorlutik Oqartussanut saaffiginnittoqassaaq).
3. Aallaasip imassai aamma aallaasit, politiinut tunniunneqartussat.
4. Qummoortartut assingusullu, qatserisartoqarfimmut tunniunneqartussat.
5. Eqqakkat qaartartullit, soorlu "dynamitti", qaartitsissutit, håndgranatit (qaartartut miloriuttakkat) assingusullu, politiinut tunniunneqartussat.
6. Nakorsaatit, nakorsaatit sinneri, eqqakkat nakorsaatitaqarsinnaasut aamma timip sananeqaataasa amiakkui peqqinnissaqarfimmut tunniunneqartussat.

Kommunimi kommunillu avataani misissuineri aatsitassanillu sulineri eqqakkanut malittarisassiat immikkut ittumik immikkoortuani 7-imi, Misissuinerit aamma aatsitassanik eqqakkat immikkut malittarisassartaanni allaaserineqarput.

4 NASSUIAATIT

Inatsisaasuni taakkunani oqaatsinut ataasiakkaanut taakkununga nassuiaatinik aalajangersaasimaneratulli malittarisassiami matumani oqaatsit atorpeqartut inatsimmi atuuttumi takuneqarsinnaasunut assingupput.

Eqqakkat suussuseqatigiikkuutaat immikkoortut ataasiakkaat nassuiarnerat malittarisassiap IMMIKKUT ITTORTAANI takuneqarsinnaapput, tassani aaqqiissutit ataasiakkaat nassuiarneqarlutik. Ataaniipput malittarisassiamut matumunnga immikkut ittutut attuumassutillit nassuiatit toqqartukkat tullerriaarneqartut:

Inuussutissarsiutinik ingerlatalinnit eqqakkat	Eqqakkat pisorta qarfinni aamma namminersortutut suliffinnit, paaqqinnittarfinnit umiarsualivinnillu pisut.
Eqqakkat suussuseqatigiikkuutaat immikkoortut	Eqqakkat suussuseqatigiikkuutaat immikkoortut tassapput assigiimmik katitigaanertaqarlutik eqqakkani atortut eqimattunngortitat.
Eqqagassaqaalersitsisoq	<p>Inuutissarsiutinik ingerlatalinnit eqqakkanut naleqqiullugu eqqagassaqaalersitsisuupput:</p> <ul style="list-style-type: none"> • Suliffeqarfiit • Paaqqinnittarfiit • Umiarsualiviit <p>Eqqagassaqaalersitsisoq tassaavoq timalittut imaluunniit inatsisitigut inuttut naatsorsuussatut suliffimmut, suliffiusup ingerlatsinermigut eqqakkanik pilersitsisartumut akisussaasuusoq. Illuliorlunilu sanaartornermi eqqagassaqaalersitsisoq tassaavoq sanaartortitsisoq, imaluunniit allaganngorlugu isumaqatigiissut aqutigalugu taanna sinnerlugu akisussaaffimmik tigusinnissimasoq. Inissiaatileqatigiit pisortanit aamma namminersortunit pigineqartut isumaqatigiissuteqarnermikkut inissiaqarfinni eqqagassaqaalersitsititut taaneqarsinnaapput, taamaalillutillu sumiiffinni tamakkunani eqqakkanik passussinissamut akisussaasuussallutik. Umiarsualivimmut akisussaasutut umiarsualivimmut pisortaasoq umiarsualivinnit eqqakkanut eqqagassaqaalersitsisuuvoq.</p>
Eqqakkanik assartuisartoq	Assartuisartoq, kommunip eqqagassaataanik isumaginnittartoq imaluunniit eqqagassaqaalersitsisuusoq.
Innersuussinermut aaqqiissut	Aaqqiissut malittarisassianit aalajangersagaasoq, eqqagassaqaalersitsisuusoq kommunini malittarisassiani aalajangersakkat malillugit eqqakkat passunnissaannut akisussaasuusoq.

Immersuiffik	Pooq, siparni eqqaavik, containeri mikisoq, karsi eqqaavik, puunik ivertitsiffittut eqqaavik, containeri uertittagaq, containeri ammasoq assigisaallu suliffeqarfinit eqqagassaqalersitsisup eqqakkanik katersuinermi atugarisartagai.
Eqqaasarneq	Suliaqarneq sunaluunniit, iluaqutissartaliinngitsoq.
Eqqakkat atoqqissinnaasat	Sanaanik, atortunik imaluunniit akuutissanik igitassanngortitanik atugaqaqqinneq. Nioqqutissat nutaat sanaartorneranni eqqakkat atortussiassatut atornerqarput.
Eqqakkanik passussineq	Eqqakkanik katersuineq, assartuineq, tigooraaneq, suliaqarneq, iluaqutissartaliineq aamma eqqaaneq.
Katersinermut atortussat	Eqqakkat katersorlugillu assartornerinut immersuiffik assartuullu sunaluunniit.
Katersinermut aaqqiissut	Eqqakkat isumageqqinnissaanut tamakkiisumik imminut akisussaaffilertumut kommunimut tigusinnitsilluni eqqagassaqalersitsisup eqqagassaatiminik tunniussiffigisaanik malittarisassianik aalajangersaavigineqartutut aaqqiissut.
Pilerfii aallaavigalugit immikkoortiterisarneq	Eqqakkanik tigooraaveqarfimmut ingerlateqqinneri sioqqullugit eqqagassaqalersitsisumut imaluunniit sapinngisamik pilerfigisaanut qanittuutillugu eqqakkanik immikkoortiterineq.
Tigooraaveqarfik	Ingerlatsivik eqqakkat toqqortarineqarfiat, ikuallanneqarfiat, suliarineqarfiat, aamma/-imaluunniit atortussiassanut imaluunniit nioqqutissanut nutaanut suliarineqarfiat.

5 PISUSSAAFFIIT AAMMA PISINNAATITAAFFIIT

5.1 ATUINISSAMUT PISUSSAAFFIK

Eqqagassaqalersitsisut tamarmik, takuuk qulaani nassuiaat, malittarisassiamut matumunnga ilaapput, aammalu malittarisassiat IMMIKKUT ITTORTAANNI aalajangersarneqartutut katersuinermit innersuussinermullu aaqqiissutit tamakku atornissaannut pisussaaffeqarput.

Malittarisassiami nassuiarneqanngitsunik eqqagassat pineqartillugit eqqagassaqalersitsisut ataasiakkaat kommunalbestyrelsimut saaffiginnissapput, taassumalu piviusutut eqqagaqarnissamut periarfissaasoq innersuutigissavaa. Taama pisoqartillugu eqqagassaqalersitsisup kommunalbestyrelsip innersuussinerinik malittarininnissaminut pisussaaffeqarpoq, aammalu nammineq eqqagassanik passussinermut akisussaassualluni, ilanngullugit pisinnaassappat pilerfii aallaavigalugit immikkoortitsissalluni. Taamatuttaaq eqqaanermut allatulluunniit passussinermut attuumassutilinnut aningaasartuutit akilernissaannut eqqagassaqalersitsisup pisussaaffeqarpoq. Taamaattorli piffissamut tunniussinerup nalaanut eqqagassaqalersitsisup taamaallaat akisussaaffeqarpoq. Kommunimi tigooraasarfinni passussinissamik ajornartorsiuteqartitsisunik, imaluunniit kommunip sulisuinut sullivimmi isumannaallisaanikkut ajornartorsiuteqartitsisunik eqqakkat amerlassusaat imaluunniit suussusaat pissutigalugit suliffeqarfik

eqqagassaqaalersitsippat kommunalbestyrelse allatut qinigassamik eqqaanissamut innersuussinissaminut pisinnaatitaaffeqarpoq.

Taamatut pisoqartillugu eqqagassaqaalersitsisut kommunalbestyrelsip innersuussinerinik malittarinnissapput, aammalu namminneq eqqakkat passunnissaannut, ilanngullugit pilerfii aallaavigalugit immikkoortiterisinnaanermut, aammalu katersuinermut, eqqaanermut allatulluunniit passussinermut aningaasartuutininut akisussaaffeqassallutik. Eqqakkat silami ikuallannissaat suliffeqarfinnut imaluunniit inuinnarnut inerteqqutaapput.

5.2 ATUILERNERMUT ATUIUNNAARNERMULLU NALUNAARNISSAMUT PISUSSAAFFIK

Nalinginnaasutut eqqagassanut assingusunik eqqagassaqaalersitsillutik eqqagassaqaalersitsisut tamarmik nalinginnaasutut eqqagassalerinermut aaqqiissummut atuilernermut atuiunnaarnermullu nalunaartassapput. Kommunimi aaqqiissummut atuilernermut atuiunnaarnermullu nalunaarnerit Sullissivik-mut saaffiginninnikkut pissapput.

5.3 IMMIKKOORTITERINISSAMUT PISUSSAAFFIK

Eqqakkat suussuseqatigiikkuutaat immikkoortut sorliit katersuinermut aamma innersuussinermut aaqqiissutini ilaanissaat kommunalbestyrelsip aalajangertarpai, takuuk IMMIKKUT ITTORTAQ. Aaqqiissutini ataasiakkaani nassuiaatini nalunaarsugaasuni eqqakkani suussuseqatigiikkuutaani immikkoortuni taakkunani eqqakkat immikkoortiternissaannut eqqagassaqaalersitsisoq pisussaaffeqarpoq. Eqqakkani suussuseqatigiikkuutaani immikkoortoq aalajangersimasoq aaqqiissummut sorlermut eqqarneqassanera nalornissutigineqassappat kommunalbestyrelse pineqartumi aalajangiisuusaaq.

Malittarisassiap IMMIKKUT ITTORTAANI, imaluunniit inatsisini malittarisassianilu allani aaqqiissutit ilaanit eqqakkat suussuseqatigiikkuutaat immikkoortut matussusaanngitsut suussusersinissaat, aamma piviusutut innersuutiginnissaat siunertaralugit kommunalbestyrelsimut nalunaarutigineqassapput. Eqqakkat qanoq eqqarneqarnissaat pillugit kommunalbestyrelse aalajangiisuusaaq.

Eqqagassat navianartut, uuliakunit akuutissanillu eqqagassat pillugit Namminersornerullutik Oqartussat nalunaarutaanni ilannguttut pineqassappata, aammalu nalunaarummi eqqaaneqartutut ilanngussa 1-imi aamma 2-miittunut sanilliunneqarsinnaasutut eqqakkat piginnaaneqassasutut naatsorsuutigineqarsinnaappata, tamanna avatangiisinut navianartutut eqqakkanut aaqqiissutit atuuttut tamakku malillugit innersuullugillu akilerneqassapput. Nalornissuteqartoqarnermi suliami aalajangiinissaq pillugu kommunalbestyrelsip kingornatigut Avatangiisinut Pinngortitamullu Naalakkersuisoqarfik attavigissavaa.

5.4 AKILIINISSAMUT PISUSSAAFFIK

Kommunimi akiliutissat allattorsimaffiat najoqqutaralugu eqqagassaqaalersitsisoq akitsuummik akiliuteqassaaq.

Immikkoortiterinissamut pisussaaffigisaminik eqqagassaqaalersitsisoq malittarinninnigippat kommunimi akiliutissat allattorsimaffiat najoqqutaralugu kukkusumik immikkoortiterisarnermut akitsuummik eqqagassaqaalersitsisoq akiliuteqassaaq.

Akulikitsumik kommunip eqqakkanik tigooraasarfianut kukkusumik immikkoortitikkatut eqqakkat tunniunneqartassappata eqqakkanik assartuisumut kukkusumik immikkoortiterinermit akitsuut tunniunneqassaaq. Eqqagassaqaalersitsisumut akitsuummik assartuisoq ingerlatitseqqissaaq.

5.5 ILISIMATITSINISSAMUT PISUSSAAFFIK

Malittarisassiami matumani malittarisassianik malittarinnittumik eqqagaatimik eqqarneqarnerannik eqqagassaqalersitsisut kommunalbestyrelsip peqqusineratigut uppersaasinnaassapput.

Eqqakkat katititaaneri pillugit paasissutissanik tamanik eqqagassaqalersitsisumut tunniusseqqusinissamut, kiisalu eqqakkat passunneranni eqqarnerannilu avatangiisinut sunniutaannik misissuinissaanik eqqagassaqalersitsisumut peqqussuteqarnissamut kommunalbestyrelse pisinnaatitaaffeqarpoq.

5.6 NALUNAARUTEQARNISSAMUT PISUSSAAFFIK

Eqqakkat mingutitsillutik pisoqarfiisa nalunaarutiginnissaat eqqagassaqalersitsisut tamarmik pisussaaffigaat. Nalunaarut Sanaartornermut Avatangiisinullu Ingerlatsivimmum tunniunneqassaaq.

Eqqagassanut navianartunut sanaartornermillu eqqagassanut nalunaarnissamut malittarisassiat immikkut ittut makku atuupput:

Eqqagassat navianartut

Eqqagassanik navianartunik eqqagassaqalersitsisut tamatuminnga kommunalbestyrelsimut nalunaaruteqassapput. Kommunip nittartagaanit pissarsiarineqarsinnaasutut immersugassaq immikkut ittukut eqqakkat Sanaartornermut Avatangiisinullu Ingerlatsivimmum nalunaarutigineqassapput. Nalunaarummiissapput eqqagassat suussusissaannik naatsorsuutigisat, poortuutit suussusaat, kiisalu ukiumoortumi annertussutsit pillugit paasissutissat, ukiullu nikinneranni kommunalbestyrelsimut tunniunneqassapput.

Kommunip avataanit sumiiffinnit eqqagassanik navianartunik eqqussuinerumut tunngatillugu eqqussuinissaq sioqqullugu kingusinnerpaamik sap. ak. arfineq-marluk sioqqullugit tamanna nalunaarutigineqassaaq. Nalunaarummiissapput eqqagassat suussusissaannik naatsorsuutigisat, poortuutit suussusaat, kiisalu ukiumoortumi annertussutsit pillugit paasissutissat.

Eqqaaffissatut periarfissaasumik kommunalbestyrelse innersuussissaaq.

Sanaartornernit eqqagassat

Nutaanik illuliornermut, allanngortiterinerumut iluarsaassinermullu, kiisalu piiaanermut atatillugit sanaartornermit eqqagassanngortut sanaartornernit eqqagassat nalunaarutiginnissaannut atugassatut Immersugassakkut Sanaartornermut Avatangiisinullu Ingerlatsivimmum nalunaarutigineqassapput. Immersugassaq kommunip nittartagaanit pissarsiarineqarsinnaavoq.

5.7 EQQAKKAT KATERSARINERI

Suliffeqarfiup, paaqqinnittarfiup imaluunniit umiarsualiviup pilersitaannik eqqakkanut suussuseqatigiikkuutaanut immikkoortunut taakkununga tamanut katersuinissamut tamatigut atortorissaarutissanik peqartoqartassasoq eqqagassaqalersitsisup qularnaassavaa.

Immersuiffiit eqqakkat suussusaannut sunut atornissaannut erseqqissumik nalunaaqutsersimassapput. Pisarialittut imaarsinissat amerlassusaannut nalunaarfigisanut tunngasutut immersuiffissat tamatigut naammattut pigisarnissaat, aammalu imaarsinerit marluk akornanni immersuiffiit sipporlugit immerneqartannginnissaat qularnaarneqassapput.

Eqqakkat katersarinerini akulerussuuttoqassannginnera, imaluunniit pitsaassutsikkut ajortittoqassannginnera eqqagassaqalersitsisup qularnaassavaa, taamaalilluni kingornatigut suliaqarneq pisariaqanngitsumik ajornakusoortinneqalissanngimmat.

Eqqakkat isumannaatsumik katersarineqassapput, taamaalillutik mingutsitsineq saligaatsuutitsinnginnerlu pinaveersinneqassammata. Taamaalilluni eqqakkat anorimit

siammassannginnerat eqqagassaqaalersitsisup qularnaassavaa, aammalu katersuinerup ilusaa uumasut ajoqutaasut, qimmillu takkussuunnissaannut aarleqqummik annikillisaassaaq, eqqagassaqaalersitsisorlu akuttoqatigiissaartumik immersuiffiit salittarnissaannut pisussaaffeqarpoq, taamaalilluni eqqakkat katersarinerannut, imaluunniit kingornatigut assartornerannut atatillugu tiperrusammik pinngortoqassanngimmat.

Eqqagassat navianartut katersarinerinut atatillugu mingutsitsisoqassappat tamanna erniinnaartumik Sanaartornermut Avatangiisinullu Ingerlatsisoqarfimmut nalunaarutigineqassaaq.

Eqqakkat mingutsitsinissamut aarleqquteqartitsissappata, saligaatsunik pissutsinik nassataqassappata, allatulluunniit ajoqutissatut ilusilinnik pinngortitsissappata eqqakkat katersat eqqarneqassanerannik kommunalbestyrelse aalajangiisinnaavoq.

Arlaat eqqagassaanerat imaluunniit eqqagassaannginnerat pillugit kommunalbestyrelse aalajangiisarpoq.

5.8 IMMERSUIFFINNUT PIUMASAQAATIT

Eqqagassaqaalersitsisut ataasiakkaat eqqagassaataat illut imaluunniit illuutigisat ataasiakkaat ungasinngisaanni inissitani katersorneqassapput, taakkulu ukioq kaajallallugu atuisartunut aamma eqqaavilerisunut akornutissartaqanngitsumik aqqutissalerlugit tikeriaannaasassapput.

Immersuiffiit kikkut tamarmik atugaattut aqquserngup qanitaanut inissinneqarnissaannik kommunalbestyrelse piumasaqaateqarsinnaavoq, aammalu kikkut tamarmik atugaattut aqqusinermit imaluunniit pisuinnaat aqqutaannit eqqakkanik immersuiffiit inissiffissaannut annerpaamik ungasissusissaq aalajangersarsinnaallugu.

Immersuiffiit imatut ilusilersorsimassapput, aammalu imatut pitsaassuseqassallutik imarisaat uumasunit ajoqutinit, qimminit timmissanillu tikinneqarsinnaasanatik. Immersuiffiit suussusaannik aalajangersimasunik ataatsimik imaluunniit arlalinnik atueqqusinissaminut kommunalbestyrelse pisinnaatitaaffeqarpoq. Puunik ivertitsivittut ikkussiviit atorneqassasut peqqussutigineqassappata kommunimit pilersuutigineqartutut poorsuit puussiallu, imaluunniit akuersissutaasutut poorsuit puussiallu taamaallaat atorneqaqqusaassapput. Immersuiffiit pisarialittut amerlassusillit pissarsiarinissaannut aserfallatsaalinissaannullu eqqaagassaqaalersitsisup nammineq akiligassamisut pisussaaffigivai.

Eqqagassat navianartut katersarineri immersuiffinni, inissinnerannut, sanaartugaanerannut ussissuunerannullu tunngatillugit silaannarmik, nunamik, imermik sermimillu mingutsitsisoqassannginneranik qularnaarisuni pissaaq. Eqqagassat navianartut sapinngisamik poortorneqaaqqaarfiannit katersarineqassapput, taamaanngippat imarisaat erseqqissumik nalunaaqutsersimatillugit katersarineqassallutik.

5.9 SALIGAATSUUTITSINEQ

Inuit namminneq imaluunniit pisortat sumiiffigisaanni sutigulluunniit eqqakkanik inissiisoqaraniluunniit eqqaasoqaqqusaanngilaq.

Illuutigisamit silarlertut killissamit makittarissumik uuttorlugu 25 meterinik ungasissusilimmi, imaluunniit illumut sanilerisamut ungasissutsip qeqqata killinganik illutigisap eqqaa akuttoqatigiissaartumik eqqagassaqaalersitsisut salittassavaat.

Illuutigisani pinnguartarfilinni assingusunillu ingerlatsivilinni taakku illumik piginnittup aamma salittassavai.

Umiarsualiveqarfimmi pisortaasup umiarsualivik saligaatsuutissavaa.

Niuertarfinni, kioskini assingusunilu nerissannik imigassanillu nioqquteqarfiusuni eqqagassaqaalersitsisup eqqakkanik immersuiffissat inississussavai, aammalu pisariaqartitsinerit malillugit imaartassavai, kiisalu matusinermit atatillugu

nioqquteqarfimmit tunisinikkut pinngorsimasutut eqqakkat nunatami sumi tamaaniittut salittassavai.

Illuutigisamit tassanga pisutut eqqakkanik piaanissamut eqqagassaqalersitsisumut peqqussuteqaqqusinissaminut kommunalbestyrelse pisinnaatitaavoq.

Manngunnerata kingornatigut ukiut tamaasa kommunimi najugaqarfigiusuni inuit namminneq aamma pisortaqarfiit ataatsimoortillugit silami nunatanik saliinermik kommunalbestyrelse aallartisaasarpoq. Saliinissaq tusagassiorfitsigut nalunaarutaasarpoq. Saliinissamut nalunaarutigisamut atatillugu eqqagassaqalersitsisut tamarmik illuutigisamik eqqaata salinnissaat pisussaaffigaat. Eqqakkat katersorneqartut malittarisassiami matumani malittarisassiat najoqqutaralugit kommunip eqqakkanik ingerlatsivigisaanut tunniunneqassapput.

5.10 EQQAKKAT ASSARTORTARNERI

Eqqakkat katersaralugillu assartugarineri peqqissutsimut avatangiisinullu tunngatillugu isumannaatsumik iluseqartumik, aammalu malittarisassiani makkunani malittarisassiat najoqqutaralugit pisarnissaasa qularnaarnissaat eqqakkanik assartuisartut pisussaaffigaat.

Eqqakkat immersuiffinni aamma assartuutini, eqqakkat tingitaannginnissaannik, aammalu imerpalasortap katersornerata assartorneratalu nalaani aqqusinermut kuusannginneranik qularnaarisuni assartugaasassapput. Assartuineri atatillugu eqqakkanik tigussaasunik imaluunniit imerpalasunik mingutsitsinermik pinngortoqassappat eqqakkanik assartuisup erniinnaartumik katersorlugulu mingutsitsinera salissavaa.

Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 13 malillugu kommunalbestyrelsimut nalunaaruteqarnissaminut assarsuisartoq pisussaaffeqarpoq. Assartuisartup eqqakkanik passutaqarneranik misissugaqarnissamut, ilanngullugit atortunik, katersuinerup akulikissusaanik, imarisanik aamma eqqakkat pinngorfiinik, nalunaarsuineri il.il. eqqortumik uppernarsaamminnik takutitsinerisigut kommunimi nakkutilliisartut attaveqartinnissaannut eqqakkanik assartuisartut pisussaaffeqarput.

6 AAQQIISSUTIT

Inuussutissarsiorfinnit eqqakkat piagaanissaannut aaqqiissutinik arlalinnik kommunalbestyrelse aallartisaasimavoq. Aaqqiissutit malittarisassiat IMMIKKUT ITTORTAANNI erseqqinnerusumik nassuiarneqarput. Aaqqiissutit ilaat tassaapput katersuineri aaqqiissutit, allat innersuussinermut aaqqiissutaallutik:

6.1 KATERSUINERMUT AAQQIISSUTIT

Katersuineri aaqqiissut tassaavoq malittarisassiani aalajangerneqartut aaqqiissut, tassani eqqagassaqalersitsisoq eqqagassaatinu kommunimut, imaluunniit kommunip akuerisaatut eqqakkanik assartuisartumut tunniuttarlugit, taakkulu eqqakkat nangitsisumik passunnissaannut tamakkiisumik akisussaaffimmik tigusinnittusarput.

Katersuineri aaqqiissut kommunimit ingerlanneqanngitsumit suliffeqarfimmit tamakkiisumik imaluunniit ilaannakortumik ingerlatarineqassappat eqqaaneq kommunalbestyrelsip innersuussutai malillugit pisarnersoq kommunalbestyrelsip nakkutigisarpaa.

Suliffeqarfiit kommunip ingerlatinngisaatut aaqqiissutit ingerlatanik isumaginittut katersuineri eqqaanermullu tunngatillugu paasissutissanik tamanik, ilanngullugit inoqutiginnit ataasiakkaanit, inissiaqarfiusunit imaluunniit eqqakkanut aaqqiissutit il.il. eqqakkat suussusaannut annertussusaannullu tunngasunik kommunalbestyrelse tunniussaqaqqusisinnavoq.

6.2 INNERSUUSSINERNUT AAQIISSUTIT

Innersuussinermut aaqqiissut tassaavoq malittarisassiani aalajangerneqartut aaqqiissut, tassani kommunimi malittarisassiani taakkunani aalajangersakkat malillugit eqqakkat passunnissaat eqqagassaqaalersitsisup akisussaaffigissallugit. Eqqakkat kommunalbestyrelsip innersuussineri malillugit passunneqarnissaannut tigussaasutut, soorlulusooq aningaasartaanut akisussaaffigisaq eqqagassaqaalersitsisumiippoq.

6.3 PIVIUSUNUT INNERSUUSSINEQ

Eqqakkat katersuinnermut innersuussinermulluunniit aaqqiissummi ilaanngippata piviusunut innersuussissutisinnissaq siunertaralugu eqqagassaqaalersitsisoq Sanaartornermut Avatangiisinullu Ingerlatsisoqarfimmu saaffiginnissaq.

6.4 MISILERAANERMUT AAQIISSUT

Malittarisassiat IMMICKUT ITTORTAANNI misileraanermut aaqqiissut ataaseq imaluunniit amerlanerit ilaasinnaapput. Misileraanermut aaqqiissutit tassaapput piffissami aalajangersimasumi kommunalbestyrelsip misilerassallugit kissaatigisaatut aaqqiissutit kajumissuseq malillugu ingerlanneqartartut. Misileraanermut aaqqiissutit tassaagajuttarput aaqqiissutit inuussutissarsiorfimmu eqqakkanit suussuseqatigiikkuutaatut immikkoortunik aalajangersimasunik atugaqaqqittarnerup annertusarnissaanik siunertaqartut.

6.5 UMIARSUALIVINNI TIGOORAAVITTUT AAQIISSUTIT

Malittarisassiani makkunani malittarisassiat malillugit umiarsuarnit eqqakkanik tigooqqaasarnermut aaqqiissummik pilersitsinissaminnut umiarsualiviit pisussaaffeqarput. Tigooraavittut atortorissaarutit pilersinneqassapput, taamaalillutik malittarisassiat IMMICKUT ITTORTAANNI nassuiarneqartutut kommunimi aaqqiissutinut tamakkununnga kingornatigut eqqaanissaq siunertaralugu umiarsualiveqarfippiami umiarsuarnit eqqakkat pilerfii aallaavigalugit immikkoortiterneqartassammata. Umiarsualivinni tigooraavittut aaqqissuussiffimmu eqqakkat kommunini tigooraasarfittut ingerlatsivinnut eqqaanermut atatillugu umiarsualivik tassaavoq eqqagassaqaalersitsisoq, taamaalillunilu malittarisassiani makkunani malittarisassat malittarisussaavai.

6.6 INISSIAQARFINNIT TIGOORAAVITTUT AAQIISSUTIT

Inissiaqarnermut ingerlatseqatigiiffiit malittarisassiani makkunani malittarisassianik malinnittumik inissiaqarnermut ingerlatseqatigiiffiit illuutaannit eqqakkanut tigooraavittut aaqqiissutinik pilersitaqassapput. Tigooraavittut atortorissaarutit pilersinneqassapput, taamaalillutik malittarisassiat IMMICKUT ITTORTAANNI nassuiarneqartutut kommunimi aaqqiissutinut tamakkununnga kingornatigut eqqaanissaq siunertaralugu inissiaqarnermut ingerlatseqatigiiffippiami inissiaqarnermut ingerlatseqatigiiffiup inissiaataanit eqqakkat pilerfii aallaavigalugit immikkoortiterneqartassammata. Inissiaqarfinnit tigooraavittut aaqqissuussiffimmu eqqakkat kommunini tigooraasarfittut ingerlatsivinnut eqqaanermut atatillugu inissiaqarnermut ingerlatseqatigiiffik tassaavoq eqqagassaqaalersitsisoq, taamaalillunilu malittarisassiani makkunani malittarisassat malittarisussaavai.

7 AATSITASSANIK UJAASIFFIMMIT AATSITASSARSIORFIMMILLU EQQAKKAT

Ingerlatsiviit suliffiillu eqqaanissamut, atueqqinnissamut allatulluunniit suliaqarnissamut immakkut aqut aqutigalugu eqqagaatiminnik assartuisut imm. 6.5-imi nassuiarneqartutut umiarsuarnit eqqakkanut tigooraasarnermut aqqiissut atussavaat.

8 NAKKUTILLINEQ AQUTSINERLERLU

Inatsisaasunut atuuttunut malittarisassiamilu matumani aalajangersakkanut malittarinnittumik eqqakkat passunneqarlutillu katersarinerinik kommunalbestyrelse aqutsillunilu nakkutilliisuuvoq.

Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersumi § 21, imm. 2, aamma Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 15 najoqqutaralugit malittarisassiani ilaasutut pissutsinut tunngasunut kommunalbestyrelse peqqussuteqarlunilu inerteqqussuteqarsinnaavoq.

Killiliussap aalajangiunneqartup iluani peqqussut imaluunniit inerteqqussut malittarineqarsinnaanngippat suliaqqusaq akisussaaffilimmik akiligassanngortillugu kommunalbestyrelsip suliarineqartissinnaavaa. Annertuumik mingutsitsinerit, tamakkuluunniit annertunermik siammartinnissaat pakkersimaniarlugit erninnaartumik iliuuseqarnissaq pisariaqassappat peqqussuteqarani aammalu akisussaaffeqartup akiligassaanik kommunalbestyrelse pisarialinnik suliarisanik isumaginnissaaq, takuuk Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 51, imm. 2.

Pissusissamisoortumik kinaassutsimik uppersaassuteqartillugit eqqagassaqaalersitsisut ingerlatsiviinut tamanut kommunip nakkutilliisartuinik isaatitsinissaminut eqqagassaqaalersitsisoq pisussaaffeqarpoq, takuuk Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 47.

9 AKITSUUTIT

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 39 najoqqutaralugu eqqagassalerinermut akitsuutinik kommunalbestyrelse aalajangersaasarpoq. Ukiumut ataasiarluni akitsuutit annertussusaat akuersissutigineqartarput. Akuersissuteqarnerup kingornatigut akitsuutip annertussusaa sumiiffigisami kommunalbestyrelsip nalunaarutigisarpaa. Eqqagassalerinermut akitsuutit kommunip akiligassaqarfinnut allattuiffiani takuneqarsinnaapput.

Assersuutigalugu eqqagassat nalinginnaat katersornerinut akitsuutitut ittutut aqqiissutinut immikkut tunngatitatut akitsuutit saniatigut kommunalbestyrelse pilersaarusiornermut, aqutsinermut, kiisalu piviusutut innersuussinermut/inuussutissarsiorfimmit eqqagassanik eqqaanermut kommunip aningaasartuutaasa matussusernissaannut tunngaviusumik akitsuummik aalajangersaasinnaavoq.

Kommunimi eqqakkanik tigooraasarfinnik, malittarisassiami matumani aqqiissutinut atatillugu eqqagassaqaalersitsisut atugarisassaannik ingerlatsinerup ilaanik tunngaviusutut akitsuut aamma matussusiissaaq, takuuk malittarisassiap IMMIKKUT ITTORTAA.

Inuussutissarsiorfiit kommunini eqqakkanik tigooraasarfinnut eqqagassat tunniikkaangatigit tunniussinermut akitsuut akileqquneqartarpoq. Akitsuut eqqakkanik tunniussinermi eqqakkanik assartuisartumut akileqquneqartarpoq. Kommunip

eqqakkanik tigooraasarfianut kukkusumik immikkoortitikkanik eqqakkanik tunniussisoqassappat kukkusumik immikkoortitikkanut akitsuut eqqakkanik assartuisumut tunniunneqassaaq. Akitsuut eqqagassaqalersitsisumut assartuisup ingerlateqqissavaa.

Kommunimi nalinginnarnik eqqaavilerinermut aaqqiissummut ilaasutut nalunaarsimanissamut kommunimi sumiiffiit ilaanni kvartalikkaartumik akitsuummik akileeqqusisoqartarpoq, sumiiffinni allani qaammatikkaartumik tamanna akileqquneqartarluni.

Kommunip eqqakkanik suliaqarneranut atatillugu kommunimi aningaasartuutit akiliutaasartut matussusernissaannut eqqagassaqalersitsisut tamarmik akitsuummik akiliuteqartassapput.

Malittarisassiamik matuminnga ilaasutut eqqagassaqalersitsisut kommunimi eqqaavilerinermut akitsuutinik aalajangiussinermik sunniuteqarsinnaasunik allannguutinik kommunimut nalunaassapput. Assersuutigalugit tassaasinnaapput pineqartutut suliffeqarfiup, paaqqinnittarfiup imaluunniit umiarsualiviup suliaqarnerannit eqqagassat amerlassusaa aamma suussusaasa malunnaatilimmik allannguuteqarneri.

10 IMMIKKUT AKUERSISSUTIT

Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 10 najoqqutaralugu pisuni immikkut ittuni qinnuteqareernerup kingornatigut Namminersorlutik Oqartussat uuliakunit akuutissanillu eqqagassanik suliffeqarfiit tunniussinissamut pisusaaffigisaannik pinngitsuugaqartitsisinnaapput.

11 SAAFFIGINNINNERIT MAALAAARUTILLU

Malittarisassiami aalajangersakkanut tunngasutut saaffiginninnerit maalaaruteqarnerillu kommunalbestyrelsimut ingerlanneqartassapput, taannalu suliarisamik aalajangiussisarpoq.

Kommunalbestyrelsip aalajangiussineri uunga maalaarutigalugit suliassanngortinneqarsinnaapput: Avatangiisit Innarlitsaaliorneqarnissaat pillugu Naammagittaalliuteqartarfimmu, c/o Siunnersuisoqatigiinnut Aalajangiisartunullu Aqutsisoqarfik, Postboks 689, 3900 Nuuk. Maalaarummik suliassanngortitsisumut kommunalbestyrelsip aalajangiussaminik nalunaaruteqarfianit ullormit maalaaruteqarnissamut killissarisaaq tassaavoq sapaatip akunnerinik arfinilinnik sivisussusilik.

12 UNIOQQUTITSINERIT PINEQAATISSIINERILLU

Malittarisassiami matumani malittarisassanik unioqqutitsinerit, imaluunniit malittarisassiamut matumunnga tunngatillugu peqqusummik imaluunniit inerteqqusummik malittarinninnginneq akiligassamik pineqaatissiissutaassaaq, takuuk Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersumi § 26, aamma Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi § 19, kiisalu Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 66.

13 PIGINNAATITSISSUT

Sanaartornermut Avatangiisinullu Ingerlatsivimmut kommunalbestyrelse makkununga piginnaatitsivoq:

- malittarisassiat makku malillugit pisortatut aalajangiussisarnissamik
- eqqagassalerinermik aaqqiissutit ingerlatarinerisa qularnaarnissaannut pisarialittut isumaqatigiissutinik atsiuinissamik
- malittarisassiami malittarisassanut atatillugu nalunaaruteqarnissamut immersugassanik, ingerlattagassanik najoqqutarisassanillu suliaqarnissamik

14 ATUUTILERNERA

Malittarisassiaq manna 1. marsi 2019-imi atuutilerpoq.

Malittarisassiap matuma atuutilernerata pinerani makku atuukkunnaartinneqarput:

- Eqqakkat eqqarnissaannut malittarisassiaq
- Eqqakkanik avatangiisinut navianartortalinnik eqqaanissamut malittarisassiaq
- Nalinginnarmik eqqakkanik katersuineranut malittarisassiaq
- Inunnit inoqutigiinnit eqqassanik angisuunik katersuineranut malittarisassiaq

Avannaata Kommuniani kommunalbestyrelsimit akuerineqarpoq

Ulloq

Ulloq

Palle Jerimiassen
Borgmesteri

Nick Nielsen
Kommunimi qullersaq



Avannaata
Kommunia

Malittarisassiat IMMIKKUT ITTORTAI

Inuussutissarsiorfimmit eqqakkanut malittarisassiaq
Avannaata Kommunia

1 EQQAGASSAT NALINGINNARTUT ITTUT

1.1 EQQAGASSAT NALINGINNARTUT ITTUT SUUPPAT

Eqqagassat nalinginnartut ittut tassaapput suussutsimikkut katitigaanermikkullu inuit inoqutigiit nalinginnartut eqqagassaataannut assingusut. Aamma tassaapput kantineanit, sullissisarfinnit neriniartarfinnillu nerisassanit eqqagassat, kiisalu eqqagassat aserujasut suussusaat allat, peqqinnissamut tunngasunik ajornartorsiutinik nassataqartitsisinnaasut.

Eqqagassanut nalinginnartut ittunut assingusunut eqqagassat assersuutissat tassaapput:

- igaffimmit eqqagassat
- nerisat sinnikui
- poortuutit mikinerusut, soorlu juicemut immummullu poortuutit kartonngit, aamma pappialat/pappit ipeqartut
- eqqiluisaarfimmit eqqagassat
- sanikut
- piniarnermit eqqagassat

1.2 AAQQIISSUT KIKKUNNUT ATUUPPA

Kommunimi najugaqarfiusuni sulliviit, paaqqinnittarfiit umiarsualiviillu tamarmik.

1.3 AAQQIISSUMMUT NASSUIAAT

Eqqagassanut nalinginnartut ittunut kommunimi najugaqarfinni tamani katersuinissamut aaqqiissutinik pilersitaqartoqarpoq. Sumiiffiit ilaanni kommune nammineq katersuisarpoq, sumiiffinnili allani eqqakkanik assartuisartunut namminersortunut suliassaq sularinnittussarsiugaasarpog.

Illoqarfinni kommunip aaqqiissuusaanik katersuisarnermut aaqqiissutit pilersitaapput, taakkunani inuussutissarsiorfinnit eqqagassanik nalinginnartut ittunik katersuisarnernik assartuisartut namminersortut imaluunniit kommunimeersut isumaginnittarlutik.

Aaqqiissut Sullissiviup aqutaraa.

Akiligassat allattorsimaffiat najoqqutaralugu akitsuutit akilerneqartarput.

Nunaqarfik

Nunaqarfinni kommunip aaqqiissuusaanik katersuisarnermut aaqqiissutit pilersitaapput, taakkunani inuussutissarsiorfinnit eqqagassanik nalinginnartut ittunik katersuisarnernik assartuisartut namminersortut imaluunniit kommunimeersut isumaginnittarlutik.

Aaqqiissut Sullissiviup aqutaraa.

Nunaqarfinni inuussutissarsiorfinnit eqqagassanik nalinginnartut ittunik passussillunilu eqqaanermut kommunip aningaasartuutai tunngaviusutut akitsuummit matussuserneqartarput.

1.4 IMMERSUIFFIIT

Eqqagassanik nalinginnartut ittunik katersaqarnissamut immersuiffinnik pisarialittut amerlassusilinnik nammineq akilikkaminnik pissarsinissamut aserfallatsaaliuinissamullu suliffeqarfiit, paaqqinnittarfiit aamma umiarsualiviit pisussaaffeqarput.

Immersuiffiit suussusaat Sanaartornermut Avatangiisinullu Ingerlatsivimmit akuerineqarsimassapput.

Eqqagassanut puunik ivertitsiffiit atorneqassappata kommunimit pilersuutigisatut imaluunniit akuerisatut poorsuit imaluunniit puussiat taamaallaat atorneqaqqusaapput.

1.5 IMMERSUIFFIIT INISSINNERI

Immersuiffiit ima inissillugillu imaarneqartassapput illunut inuussutissarsiorfinnullu eqqarmiittunut tiperrusattoqarnissamat aarleqqutip annikinnerpaanissaanik qularnaaritillugit.

1.6 IMMERSUIFFIIT ATORLUGILLU IMMERSORNERI

Eqqagassanik aallernerit marluk akornanni poorsuit, puussiat aamma containerit sipporlugit immerneqassannginnerisa qularnaarnissaat eqqagassaqalersitsisup pisussaaffigaa.

Imm. 1.1-imi nassuiaanermut naleqqiullugu poorsuit, puussiat aamma containerit eqqagassanik nalinginnaasutut ittunik taamaallaat immersoqqusaapput. Immersuiffimmi eqqagassat suussusaannik allanik immersuisoqartillugu taanna eqqakkanik assartuisartumit katersorneqassanngilaq.

Eqqagassaqalersitsisup qularnaassavai immersuiffiit paarnaarsimanissaat, imaluunniit immerneqartarneri imatut ilusilersimanissaat susassaqqanngitsut eqqagassanik tamatumunnga naleqquttuunngitsunik kukkusumillu immikkoortitersimasumik eqqagaqarniarnerat pinngitsoortinneqassallutik.

Poorsuortalinnik imaluunniit puussianik eqqagassanut ivertiterisarfiit atorneqarpata taakku poorsuarmi naqitatut annerpaamik immerneqarfissaata nalaanut immerneqassapput. Annerpaamik immerneqarfissaanut naqitartaqqanngitsunik poorsuarnik imaluunniit puussianik atuisoqassappat taakku matuneqarsinnaajunnaarlugit immerneqaqquusaanngillat.

1.7 SALIGAATSUUTITSINEQ

Immersuiffiit pitsaasumik saligaatsumillu ittuunissaat eqqagassaqalersitsisup isumagissavai. Pisariaqartitsinerit malillugit immersuiffiit salinneqartassapput, taamaalilluni taakkunani tiperrusammik pinngortoqassanngimmat.

Immersuiffiit inissimaffigisaat pitsaasumik saligaatsumillu ittuutinneqassaaq.

Eqqagassanik nalinginnartut ittunik katersaqarneq mingutsitsinissamat tunngavissiissanngilaq, saligaatsuunngitsunik pissutsinik pinngortitsissanngilaq, imaluunniit uumasunik ajoqutinik takkussuutsitsissanani.

Ullormi aallerfimmi nal. 7 sioqqullugu immersuiffinnut attavigisatut aqquataasumut, taakkulu eqqaanni inissami aputaajaasoqarlunilu sioqqanik siammarterisoqassaaq. Immersuiffiit ammarneqarlutillu akornutissartaqqanngitsumik imaarneqarsinnaanissaat qularnaarneqassaaq.

1.8 AALLERNEQ

Sapaatip akunnerini aalajangersimasuni piffissami nal. 7-ip aamma nal. 18-ip akornanni imaarsiartorluni aallertoqartarpoq.

Ullut aallertarfiit eqqagassanut nalinginnartut ittunut aaqqiissumut ilanngunnermut nalunaarnermut atatillugu ilisimatitsissutigineqassapput, imaluunniit kingornatigut Sullissivimut imaluunniit assartuisartumut saaffiginninnikkut. Sapaassuarnut atatillugu piffissaq aallerfissaq nikisikkallarneqarsinnaavoq.

Najugaqarfittut sumiiffiit ilaanni sapaatip akunnikkaartumik imaarsinissaq ataaseq aamma marluk akornanni toqqarneqarsinnaavoq. Tamanna aaqqiissummut peqataanissamat nalunaarnermut atatillugu ilisimatitsissutigineqassaaq.

Eqqagassaqalersitsisup makku qularnaassallugit pisussaaffigai:

- Eqqakkat masattut, kiisalu paap arsakullu imermit pitarneqarsinnaajunnaarlugit poortornissaat.

- Suut inngigillutilluunniit ipittut imatut poortorneqassapput aallernermi imaluunniit assartuinermi eqqaavilerisumut imaluunniit poorsuarnut puussiamullu sutigulluunniit ajoqusiiinnaatinnagit.
- Poorsuit aamma puussiat immersimasat 25 kg sinnerlugit oqimaassuseqassanngillat.
- Poorsuit aamma puussiat poorsuarmi imaluunniit puussiami naqitatut immernissaata killissarisaaqut titarneq qaangerlugu immerneqassanngillat.
- Poorsuit aamma puussiat immerneqarnissaannut killissarisatut titarnermik naqitsivigisaanngitsut matuneqarsinnaatinnagit immerneqassanngillat.

1.9 EQQAVALERINISSAMUT PEQATAANISSAMUT NALUNAARNEQ

PEQATAAJUNNAARNISSAMULLU NALUNAARNEQ

Peqataanissamut nalunaarneq

Eqqagassaqaalersitsisut tamarmik eqqagassanik nalinginnartut ittunik pilersuisuusut nalinginnartut eqqagassanut aaqiisummut peqataanissamut peqataajunnaarnissamullu nalunaartussaapput.

Kommunimi aaqiisummi peqataanissamut nalunaarneq Sullissivimmut saaffiginnikkut pissaaq.

Sapaatip akunnikkaartumik imaarsinernut pisarialittut amerlassusilinnut suliffeqarfiup, paaqqinnittarfiup imaluunniit umiarsualiviup peqataanissamut nalunaarsimanera eqqagassaqaalersitsisup qularnaassavaa.

Peqataajunnaarnissamut nalunaarneq

Nuuttoqarnerani pisartagaqarnermit peqataajunnaarnissamut nalunaaruteqarnissaminut eqqagassaqaalersitsisoq pisussaaffeqarpoq. Kommunimit aaqiisummit peqataajunnaarnermik nalunaarneq Sullissivimmut saaffiginnikkut pisinnaavoq. Eqqagassaqaalersitsisup pisartagaqarnini unitsinniarlugu nalunaarutiginnippagu pineqartup aaqiisummut akiliisarnissaq pisussaaffigissavaa, tassalu eqqagassaqaalersitsisup allap peqataalerneramik nalunaarnissaata tungaanut, imaluunniit Sullissivimmit pisartagaqarnerup unitsinnissaata tungaanut.

2 EQQAGASSAT NAVIANARTUT

2.1 EQQAGASSAT NAVIANARTUT SUUPPAT. ELEKTRONIKKIMIT EQQAKKAT AAMMA

NILLATAARTITSIVIIT/QERITITSIVIIT

Inuussutissarsiorfinnit eqqagassat navianartut assersuutigalugit tassaapput akuutissat sinnikui, uuliakoq, qalipaait sinnikui, pærit innaallagissamut sipaarutit, lysstofrørit, akkumulatorit aamma batteriit, kiisalu eqqagassanik navianartunik imaqarsimasutut immersuiffiit, soorlu qalipaatinut siparnit, serpalittaait aamma dunkit uuliaasiviit. Aamma Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi ilanngussaq 1-imi imaluunniit 2-mi eqqaaneqartutut atortut sinnikui, imaluunniit nalunaarummi ilanngussaq 1-imi aamma 2-mi eqqartorneqartutut assersuunneqarsinnaasunk piginnaaneqartut ilaapput. Assersuutigalugit tarnutit punnerusaaq, naqiterinermit atukkatut qalipaait, qerinaveeqqusiissut, pujoralaat asbestitallit, eqqagassat PCB-eertallit, assinik ersersaanermut imerpalasoq, arrorsaatinit uumasulinneersortalittut annoraamernit, kiisalu laboratorianit eqqagassat. Elektroniskimit eqqagassat assersuutigalugit tassaapput kissarsuutit, qarasaasiat, naqiterutit, fjernsynit, assiliviit, kopimaskiinut, oqarasuaatit, skærmit aamma sakkut innaallagiatortut. Elektronikkimi atortut atorunnaarnikut tamarmik aaqiisummiipput. Nillartaartitsiviit/qerititsiviit assersuutigalugit tassaapput nillartaartitsiviit, qerititsiviit qaamikkut matullit aamma sikaaviit nillartaartitsiviit.

Aaqqiissummut ilaanngillat nakorsaait aamma nakorsaait sinnikui peqqinnissaqarfimmut tunniunneqartussat, imassat sakkullu politiinut tunniunneqartussat, imaluunniit qaarsinnaasutut eqqagassat, soorlu qummoroortartut, takuuk malittarisassiat nalinginnartut ittortaani imm. 3 'Malittarisassianut atuuffiit'. Aaqqiissummiipput silaannamik ussissitamik naqitsinertalerlugit immikkat, taakkulu eqqakkanik tigooraasarfimmut tunniunneqassapput.

2.2 AAQQIISSUT KIKKUNNUT ATUUPPA

Kommunimi najugaqarfiusuni suliffeqarfiit, paaqqinnittarfiit umiarsualiviillu tamarmik.

2.3 AAQQIISSUMMUT NASSUIAAT

Illoqarfiit

Illoqarfinni aaqqiissut tassaavoq innersuussinermik aaqqiissut, tasanilu kommunip eqqakkanik tigooraasarfiinut eqqagassat assartornissaannut tunniussarinissaannullu isumaginninnissaminut eqqagassaqalersitsisoq pisussaaffeqartuuvog. Eqqagassat navianartut, elektroniskimit eqqagassat aamma nillartaartitsiviit/qerititsiviit tigooraasarfimmukaatissapput. Tamatigut tigooraasarfimmi ingerlatsisutut sulisunut eqqakkat tunniunneqartassapput. Tunniussinermi eqqagassat navianartut annertussusaat aalajangerneqarlutillu suussusersineqassapput, aammalu eqqakkat eqqortumik poortorneqarsimaneri naliliiffiqineqartarput. Eqqakkanik tigooraasarfimmi suliareqqinneqarlutillu poortorneqartarput, tamatumalu kingornatigut immikkoortortat navianartortallit Danmarkimi/nunani allani suliarisassanngorlugit nassiunneqartarlutik. Akiligassarititanut atuuttunut naleqqiullugu akitsuut akilerneqartarpoq.

Nunaqarfiit

Nunaqarfinni aaqqiissut tassaavoq innersuussinermik aaqqiissut, tamaani eqqagassat navianartut, elektroniskinik eqqakkat aamma nillartaartitsiviit/qerititsiviit eqqaavissuup eqqaani erseqqinnerusumik nalunaakkatut inssiivimmut katersugaasarlutik. Eqqaavissuarmi sulisunit eqqagassat passunneqartarput, eqqagassallu illoqarfimmut qaninnerpaamut nassiunneqareerunik suliareqqinneqarlutillu, poortorneqarlutillu Danmarkimut nassiunneqartarput. Inuussutissarsiorfimmit eqqagassat navianartut, elektroniskinik eqqakkat, aamma nillartaartitsiviit/qerititsiviit passullugillu nassiussornerinut kommunip aningaasartuutai tunngavigisatut akitsuummit matussuserneqartarput.

2.4 KATERSARINERINUT ASSARTORNERINULLU IMMERSUIFFINNUT PIUMASAQAATIT

Immersuiffinni, inissinnerinut, sanaartugaanerinut ussissuunerinullu tunngatillugu silaannarmik, nunamik, imermik sermimillu mingutsitsisoqannginnissaanik qularnaarisunik eqqakkanik navianartunik katersugaqarneq pissaaq. Sapinngisamik poortuutigeqqaagaanni eqqagassat navianartut immersugaasimassapput, taamaanngippat immersuiffiup imarisai erseqqissumik nalunaaqutsersimaneqassapput. Immersuiffiit navianartunik eqqagassanik imallit matoqqatinneqarsinnaassapput. Eqqagassanut navianartunut immersuiffiit saligaatsuutinnissaannut eqqagassaqalersitsisoq pisussaaffeqarpoq, taamaalilluni kuuttoqarnissaanut akulerussuuttoqarnissaanullu aarleqqutaasoq sapinngisamik annikinnerpaatinneqassammat. Eqqagassat navianartut imerpalasutut imaluunniit sequtseqqissaakkatut ittit tamatigut poortugaasassapput. Eqqakkat pujoralammik asbestitaqartumik pinngortitsisut bigbagsini (poorsuarni angisuuni) matoqqasuni poortorneqassapput. Eqqagassat navianartut assigiinngitsutut iluseqartut immersuiffimmut ataasiinnarmut immersorneqassanngillat, taamaattorli tamarmik immikkut isumannaatsumik

poortorneqaqqassappata, aammalu kuunnissaannut isumannaarsimappata tamanna pisinnaavoq.

Immersuiffiit navianartunik eqqagassanik imallit imatut inissinneqassanngillat imarisai kikkunnit tamanit tikinneqarsinnaatillugit. Assersuutigalugu imatut ilusilimmik meeqqanik uumasunillu eqqagaasunik imaaliallaannaq tikitaqarsinnaalersillugit suliffeqarfigisap silataani immersuiffiit navianartunik eqqagassanik imallit inissinneqaqqusaanngillat.

Sulisut eqqakkanik tigooraasut akuutissat, imaluunniit eqqagassat navianartut suussusaat allat poortoqqittariaqarnerat nalilersuutigissappassuk akigitat atuuttut najoqqutaralugit poortueqqinnissamut akitsuut akiliutigineqassaaq. Pisuni aalajangersimasuni, kukkusumik poortuineq eqqakkanik tigooraasarfimmi suliffimmi ajutoortoqarnissamut aarleqqusiisuuffiini eqqakkat tiginissaat itigartitsissutaasinnaavoq.

3 ISSOQ MINGUTSITAQ

3.1 ISSOQ MINGUTSITAQ SUUA

Issup mingutsitap imarai akuutissat avatangiisinut aamma/imaluunniit peqqinnissamut ajoqusiisinnaasut, aammalu avatangiisit mingutsinnissaannut, imaluunniit innuttaasut peqqissusaannut aarleqquteqartuusut takussutissartalerneqarsinnaasut.

Issup qanoq mingutsinneqarsimatiginera malillugu tamanna suussutsinut tallimanut kommunip immikkoortiterpaa:

- Klasse 1 — Issoq mingoqanngitsoq
- Klasse 2 — Issoq annikinnerusumik mingutsitaq
- Klasse 3 — Issoq mingutsitaq toqqortarisassaq, imaluunniit salinneqalaarsinnaasooq
- Klasse 4 — Issoq annertuumik mingutsitaq, toqqortarisassaq aamma ikuallatassaq
- Klasse 5 — Issoq annertuumik mingutsitaq, avatangiisinut navianartutut eqqagassatut taaneqartooq

Aaqqiisut taamaallaat klasse 2, 3, 4 aamma 5-imi issormut tunngavoq.

Inuussutissarsiorfimmitt issoq mingutsitaq assersuutigalugu assaanernut atatillugu pinngorsinnaavoq, imaluunniit ajutoornernut atatillugu, tamaani nunamut uuliamik imaluunniit akoorutissanik kuutsitsisoqarluni.

3.2 AAQQIISSUT KIKKUNNUT ATUUPPA

Kommunimi najugaqarfiusuni suliffeqarfiit, paaqqinnittarfiit umiarsualiviillu tamarmik.

3.3 AAQQIISSUMMUT NASSUIAAT

Issup mingutsitap eqqagaanissaanut periusissap innersuussutaanissaanut tunngasumik Sanaartornermut Avatangiisinullu Ingerlatsivimmut nalunaaruteqartoqassaaq.

Taamatuttaaq issup mingutsinneqarsimanera pasineqassappat tamanna nalunaarutigineqassaaq.

Nalunaaruteqarneq imatut ilusilimmik pisinnaavoq:

1. Teknikkimut Immikkoortoqarfimmut oqarasuaatikkut saaffiginninnikkut, oqarasuaat 94 78 00
2. Teknikkimut Immikkoortoqarfimmut e-mailikkut saaffiginninnikkut, teknik@avannaata.gl

3. Allakkatigut uunga: Avannaata Kommunia, Avatangiisinut Immikkoortoqarfik, Postboks 1023, 3952 Ilulissat

Silap Pissusaanut aamma Avatangiisinut Immikkoortoqarfiup qanoq eqqarneqarnissaanik innersuussinera sioqqullugu issoq mingutsinneqartoq eqqarneqaqqusaanngilaq. Akigitittakkat atuuttut malillugit akitsuut akiliutaassaaq.

4 QISUNNIT EQQAGASSAT

4.1 QISUNNIT EQQAGASSAT SUUPPAT

Qisunnit eqqagassat assersuutigalugit tassaapput sallilikkat issusuut, sallilikkat, quassuttuut / paakkarutit, pladit imaluunniit sinaakkutit nutaamik sanaartorfimmeersut, iluarsaassinermesut/allangortiterinermesut, ingutserinermesut imaluunniit sanaartorfinneersut.

Qisuk minguiarneqassaaq, soorlu makkuninnga: betonngi, ussissaatit, kikissat/kikissat qinnillit aammalu atortut qisunnit ikkutat.

Qisunnit eqqagassani immikkoortortat sisamat atugaasarput:

1. Qisuit toqqaannartumik atoqqissinnaasat
2. Qisuit panertut mingoqanngitsut
3. Qisuit qalipatat
4. Qisuit aanaveersarsimasat

Qisunnit eqqagassat eqqakkanik tigooraasarfimmum tunniutinnginneranni annerpaamik 200 x 100 x 50 cm-inik angissusilerlugu qisuk aggorneqassaaq. Qisuit immikkoortoq 1-imiittut, assersuutigalugit sanaartugassatut pladitut ittut atugassalluunniit allat mikininngorlugit aggornerini atoqqissinnaasatut naleqassutsiminnik annaasaqarfiussappata pisuni immikkut ittuni sioqqutisumik isumaqatigiissuteqarnikkut, imaluunniit eqqakkanik tigooraasarfimmi ingerlatsinermi sulisumik isumaqatigiissuteqarnikkut annertussusissatut nalunaakkat taakku qaangersinnaavaat.

4.2 AAQQIISSUT KIKKUNNUT ATUUPPA

Kommunimi najugaqarfiusuni suliffeqarfiit, paaqqinnittarfiit umiarsualiviillu tamarmik.

4.3 AAQQIISSUMMUT NASSUIAAT

Najugaqarfiusuni tamani innersuussinissamut aaqqiissuteqarpoq, tamaani eqqagassaqalersitsisup nammineerluni qisunnit eqqagassat eqqaaveqarfiliaattassallugit, imaluunniit assartuinissamut namminersortutut assartuisartumik nammineq akiligassaminik suliakkiisassalluni.

Illoqarfinni akigititat atuuttut malillugit akitsuut akiliutigineqartarpoq. Nunaqarfinni inuussutissarsiorfinit qisunnit eqqagassat passunnerinut eqqarnerinullu aningaasartuutit tunngaviusutut akitsuummit matussuserneqartarput.

4.4 IMM. 1 – QISUIT TOQQAANNARTUMIK ATOQQISSINNAASAT

Qisuit toqqaannartumik atoqqissinnaasat assersuutigalugit tassaasinnaapput sallilikkat issusuut imaluunniit nalinginnaasut, illuaqqiornermut atorneqarsinnaasut, tassaasinnaallutilluunniit europalle ajoquteqanngitsoq.

Najugaqarfinni tamani eqqagassaqalersitsisut qisunnit eqqagassat toqqaannartumik atoqqissinnaasat immikkoortinnissaannut pisussaaffeqarput, aammalu ataani aaqqiissutit najoqqutaralugit eqqartartussaassallugit.

Qisunnik eqqakkanik toqqaannartumik atoqqitassanngorlugit tunniunneqarsimasunik eqqagassaqalersitsisut tamarmik akeqanngitsumik aallersinnaatitaapput.

Illogarfiit

Eqqakkanik tigooraasarfimmi atoqqitassanut inissiisarfirmmut qisunnit eqqagassat tunniunneqassapput. Tamaani ingerlatsinermik sulisartumut saaffiginninnikkut tunniussaqrneq pissaaq. Qanoq usingiaanermut immikkoortiterinermullu tunngasunik sulisut innersuussutaannik malittarinninnissamik pisussaaffeqartoqarpoq. Qisunnit eqqagassat toqqaannartumik atoqqinnissaannut naleqquttuuneri ingerlatsinermik sulisartup nalilersussavai.

Nunaqarfiit

Eqqaavissuarmi atoqqitassanut inissiisarfirmmut qisunnit eqqagassat tunniunneqassapput, aammalu innersuussineq malillugu inississorneqassallutik.

4.5 IMM. 2 – QISUIT PANERTUT MINGOQANNGITSUT

Qisuit panertut mingoqanngitsut assersuutigalugit tassaasinnaapput iluarsaassinernit isaterinernillu qisuit eqqagassat, imaluunniit poortuutitut qisuit aserorsimasut. Najugaqarfinni tamani qisunnik eqqagassanik panerlutillu mingoqanngitsunik eqqakkanit allanit immikkoortiterinissaminnut eqqagassaqalersitsisut pisussaaffeqarput, aammalu ataani aaqqiissutit najoqqutaralugit eqqartartussaavaat. Qisunnit eqqagassat eqqaavissuarmi immikkut allagartarsualikkatut sumiiffimmut tunniunneqassapput. Tamanna siunissami qisummik atugaqaqqinnissamut kommunitumut periarfissiivoq.

Nunaqarfiit

Nunaqarfinni immikkoortorta q taanna nunaqarfimmi eqqakkanik ikuallaasarfirmmut tunniunneqassaaq, tamaanilu qisunnit eqqagassat ikuallanneqartarput.

4.6 IMM. 3 – QISUIT QALIPATAT

Qisuit qalipatat assersuutigalugit tassaasinnaapput iluarsaanernit imaluunniit isaterinernit pisut. Qisuit qalipat qalipaammi PCB-mik, saffiugassanik oqimaatsunik, akuutissanilluunniit mingutsitsisunik allanik imaqrnissaannut aarleqqutaasoq pissutigalugu immikkoortitatut immikkoortutut passunneqassapput. Najugaqarfinni tamani qisunnik qalipatanik eqqakkanit allanit immikkoortiterinissaminnut eqqagassaqalersitsisut pisussaaffeqarput, aammalu aaqqiissutit najoqqutaralugit eqqartartussaavaat. Qisunnit eqqagassat eqqakkanik tigooraasarfirmmut tunniunneqartarput, tamaani poortorneqarlutillu Danmarkimi eqqagassanngorlugit nassiuteqqinneqartarlutik.

Nunaqarfiit

Eqqaavissuup eqqaani inissiisarfirmmut erseqqinnerusumik nalunaakkamut qisuit qalipatat tunniunneqartarput, tamaani poortorneqarlutillu illogarfimmut qaninnerpaamut ingerlateqqinneqarsinnarlutik Danmarkimut eqqagassanngorlugit nassiunneqartarlutik.

4.7 IMM. 4 – QISUIT AANAVERSAARSIMASAT

Qisuit aanaveersaakkat qorsummik ilisarnartumik qalipaateqartarput, tassaagajullutik sallilikkiassatut orpimmeersut, aanissaannut oqunnissaannullu akiuusinnaassuseqalersillugillu sullinernik toqoraataasumik aanaveersaarutitut akuutissamik suliarineqarsimasut. Tunngaviatigut qisuit aanaveersaakkat toqqaannartumik atoqqinnissaannut naleqqulluartsinnaapput, passunnerannili aamma atorneranni aarleqqutaasoq pissutigalugu (arlaasa qisussatut, imaluunniit soorlu sioqqanik immikkatut karsiusatut

pinnguartarfittut, imaluunniit nerisassanut attuumaffiliaralugit atorsinnaammatigit) toqqaannartumik qisunnut atoqqitassanut kommunip aaqqiissutaaniissanngillat. Najugaqarfiusuni tamani qisuit aanaveersaarsimasat eqqagassat immikkoortiternissaannut, aammalu ataani aaqqiissutaasut malillugit eqqarnissaannut eqqagassaqalersitsisut pisussaaffeqarput. Qisuit aavaneersaarsimasat eqqakkanik tigooraasarfimmum tunniunneqassapput, tamaani poortorneqarlutillu Danmarkimut eqqagassanngorlugit nassiuteqqinneqartarlutik.

Nunaqarfiit

Eqqaavissuup eqqaani inissiisarfirmum erseqqinnerusumik nalunaakkamut qisuit aanaveersaarsimasat tunniunneqassapput,amaanilu poortorneqarlutillu illoqarfimmum qaninnerpaamut nassiunneqareerunik Danmarkimut eqqagassanngorlugit nassiuteqqinneqartarput.

5 SAVIMERNIT AAMMA SISAAT

5.1 NASSUIAAT

Inuussutissarsiorfirmum savimernit aamma sisaat atoqqitassanut immikkoortitissapput. Assersuutigalugit tassaasinnaapput poortuutit igitassanngortitat, motoorit sannaasa ilaat, VVS-imi atortut igitassanngortitat, uuliamut tankit assingusullu. Savimernit assigiinngitsut tassaasinnaapput kanngussak, kanngussak akuugaq manngertoq, alumiiniu, sisak manngertornersinnaanngitsaq, aqerloq, zinki, nikkeli, kanngussaasaq bronze, aqerloq manngertoq tin, assigisaallu

5.2 AAQQIISSUT KIKKUNNUT ATUUPPA

Kommunimi najugaqarfiusuni suliffeqarfiit, paaqqinnittarfiit umiarsualiviillu tamarmik.

5.3 AAQQIISSUMMUT NASSUIAAT

Najugaqarfinni tamani innersuussinermum aaqqiissuteqarpoq, taakkunani kommunimi eqqakkanik tigooraasarfimmum eqqagassaqalersitsisup nammineq eqqakkat assartornissaannut pisussaaffeqarluni. Illoqarfinni akigititat atuuttut malillugit akitsuut akilerneqartarpoq. Nunaqarfinni inuussutissarsiorfimmum savimernit sisaallu passunnissaannut aningaasartuutit tunngaviusutut akitsuummit matussuserneqartarput. Illoqarfinni inuussutissarsiorfimmum savimernit sisaallu eqqaavissuarmi inissiiffimmum erseqqinnerusumik nalunaakkamut assartorneqassapput, tasaanilu Danmarkimut umiarsuakkut assartorsinnaalernissaasa tungaannut uninngatiinnarneqarallartarput. Eqqagassat usingiarnerannut tunngatillugu ingerlatsinermum sulisup innersuussutai eqqakkanik assartuisup malittarissallugit pisussaaffigai. Eqqakkat eqqortumik immikkoortitersimaneri ingerlatsinermum sulisup nalilersortarpai. Kukkusumik immikkoortiterisoqarsimatillugu tigooraasarfimmum eqqakkat tiginissaat itigartitsissutaasarput. Usingiaanerup kingornatigut kukkusumik immikkoortiterisoqarsimanera aatsaat paasineqassappat akigititat allattorsimaffiat malillugu kukkusumik immikkoortiterinermum akitsuut akiliutaasarpoq.

Nunaqarfiit

Nunaqarfinni inuussutissarsiorfirmum savimernit sisaallu eqqaavissuarmi inissiiffimmum innersuussutaasumi ingerlatsinermum sulisumit inissinneqarallassapput. Eqqagassat usingiarnerannut tunngatillugu ingerlatsinermum sulisup innersuussutai malittarissallugit eqqakkanik assartuisup pisussaaffigai.

6 EQQAKKAT IKUALLASSINNAASAT

6.1 NASSUIAAT

Inuussutissarsiorfimmit eqqakkat ikuallassinnaasat tassaapput atueqqinnissamut, katersuinermut, imaluunniit eqqagassanut navianartunut, elektroniskinik eqqakkanut aamma nillartaartitsivinnut/gerititsivinnut immikkut passunneqarnissaannut piumasaqaatinut ilaatitaanatik eqqagassat. Assersuutigalugit tassaasinnaapput poortuutinit eqqagassat, plastikkit, igalaamernit, flamingo, pappit pappialallu ipertuut. Eqqakkat ikuallassinnaasat eqqakkanik tigooraavimmut tunniunneqartinnagit annerpaamik 200 x 100 x 50 cm-nngorlugit aggorneqassapput. Pisuni immikkut ittuni eqqakkanik ingerlatsiviusumi ingerlatsinermut sulisumik isumaqateqarnerup kingornatigut annertussusissatut nalunaakkat taakku qaangerneqarsinnaapput.

6.2 AAQQIISSUT KIKKUNNUT ATUUPPA

Kommunimi najugaqarfiusuni suliffeqarfiit, paaqqinnittarfiit umiarsualiviillu tamarmik.

6.3 AAQQIISSUMMUT NASSUIAAT

Najugaqarfinni tamani innersuussinermut aaqqiissuteqarpoq, taakkunani kommunimi eqqakkanik tigooraasarfinnut eqqagassaqalersitsisup nammineq eqqakkat assartornissaannut pisussaaffeqarluni. Illoqarfinni akigitat atuuttut malillugit akitsuut akilerneqartarpoq. Nunaqarfinni inuussutissarsiorfinit eqqakkat ikuallassinnaasat passunnissaannut eqqarnissaannullu aningaasartuutit tunngaviusutut akitsuummit matussuserneqartarput.

Illoqarfiit

Illoqarfinni inuussutissarsiorfinit eqqakkat ikuallassinnaasat eqqakkanik ikuallaasarfimmi ikuallanneqassapput. Illoqarfinni eqqakkanik ikuallaasarfeqanngitsuni eqqakkat ikuallassinnaasat eqqaavissualiaanneqassapput. Eqqakkanik usingiaanermut tunngatillugu ingerlatsinermut sulisup innersuussutai malittarissallugit eqqakkanik assartuisoq pisussaaffeqarpoq. Eqqakkat eqqortumik immikkoortitersimaneri ingerlatsinermut sulisup nalilissavai. Kukkusumik immikkoortiterisoqarsimanerani eqqakkat tigoorsaasarfimmi tiginissaat itigartitsissutigineqassapput. Usingiaanerup kingornatigut kukkusumik immikkoortiterisoqarsimasoq aatsaat paasineqassappat akigitat atuuttut malillugit kukkusumik immikkoortiterinermut akitsuut akilerneqassaaq.

Nunaqarfiit

Nunaqarfinni inuussutissarsiorfimmit eqqakkat ikuallanneqarsinnaasut nunaqarfimmi eqqakkanik ikuallaasarfimmi ikuallanneqassapput. Nunaqarfimmi eqqakkanik ikuallaasarfeqanngippat eqqakkat eqqaavissualiaanneqassapput. Eqqakkanik assartuinermut tunngatillugu ingerlatsinermut sulisup innersuussutai malittarissallugit eqqakkanik assartuisoq pisussaaffeqarpoq.

6.4 IMMERSUIFFIIT

Immersuiffissat suussusissaannik eqqagassaqalersitsisoq nammineq aalajangiisinnaavoq.

6.5 IMMERSUIFFIIT IMAQQORTUSSUSISSAAT

Immersuiffissat suussusissaannik eqqagassaqalersitsisoq nammineq aalajangiisinnaavoq.

6.6 IMMERSUIFFIIT INISSINNISSAAT

Immersuiffiit inissinnissaannut nunaminertamik atugassinneqarnissaq qinnuteqaataasussaavoq.

6.7 IMMERSUIFFIIT ATORLUGILLU IMMERSORNERI

Eqqakkat isumannaatsumik katersarineqassapput, taamaalillutik mingutsitsisoqarnissaq saligaatsuunngitsutullu pissutsit pinaveersinneqassammata. Taamaalilluni assersuutigalugu eqqakkat anorimit tingitaannginnissaat, aammalu uumasunik ajoqutit, qimmit timmissallu takkussuunnissaannut aarleqqutaasunik katersueriaatsip annikinnerpaatitsinissaa eqqagassaqalersitsisup qularnaassavaa.

6.8 IMMERSUIFFIIT SALIGAATSUUTINNERI

Immersuiffiit akuttoqatigiissaartumik salinnissaannut eqqagassaqalersitsisoq pisussaaffeqarpoq, taamaalilluni eqqakkanik katersuineranut imaluunniit kingornatigut assartuineranut atatillugu tiperrusammik pinngortoqassanngimmat. Containerinik salinissaq eqqakkanik assartuisartorlu isumaqatigiisutaasinnaavoq. Taamatutaaq containerip eqqaani inissiiviup saligaatsuutinnissaanut, aammalu tamaangaannaq eqqakkanik peqannginnissaanut eqqagassaqalersitsisoq akusussaasuvoq.

7 TOQQORTARINEQARSINNAASUTUT EQQAKKAT

7.1 NASSUIAAT

Inuussutissarsiorfinnit toqqortarineqarsinnaasutut eqqakkat tassaapput atueqqinnissamat, katersuineranut, imaluunniit eqqagassanut navianartunut, elektroniskinik eqqakkanut aamma nillartaartitsivinnut/qerititsivinnut immikkut passunneqarnissaannut piumasaqaatinut ilaatitaanatik eqqagassat. Assersuutigalugit tassaasinnaapput igalaat, qalissarsuit, eqqiluisaarnermi atortut, marraat, silitat pujoralai, betonngi, qalorsuit, qassutit, kiffiutissat, biilit assakaasui kiisalu qammasissiakut.

7.2 AAQQIISSUT KIKKUNNUT ATUUPPA

Kommunimi najugaqarfiusuni suliffeqarfiit, paaqqinnittarfiit umiarsualiviillu tamarmik.

7.3 AAQQIISSUMMUT NASSUIAAT

Najugaqarfinni tamani innersuussineranut aaqqiissuteqarpoq, taakkunani eqqaavissuarmut eqqagassaqalersitsisup nammineq eqqakkat assartornissaannut pisussaaffeqarluni. Illoqarfinni akigitat atuuttut malillugit akitsuut akilerneqartarpoq. Nunaqarfinni inuussutissarsiorfinnit toqqortarineqarsinnaasutut eqqakkat passunnissaannut eqqarnissaannullu aningaasartuutit tunngaviusutut akitsuummit matussuserneqartarput. Illoqarfinni inuussutissarsiorfinnit toqqortarineqarsinnaasutut eqqakkat eqqaavissuarmukaanepassapput. Eqqakkanik usingiaanermut tunngatillugu ingerlatsineranut sulisup innersuussutai malittarissallugit eqqakkanik assartuisoq pisussaaffeqarpoq. Eqqakkat eqqortumik immikkoortitersimaneri ingerlatsineranut sulisup nalilissavai. Kukkusumik immikkoortiterisoqarsimasoq paasineqassappat akigitat atuuttut malillugit kukkusumik immikkoortiterineranut akitsuut akilerneqassaaq.

Nunaqarfiit

Nunaqarfinni inuussutissarsiorfinit toqqorneqarsinnaasutut eqqakkat eqqaavissuarmukaaneqassapput.

Eqqakkanik usingiaanermut tunngatillugu ingerlatsinermut sulisup innersuussutai malittarissallugit eqqakkanik assartuisoq pisussaaffeqarpoq.

8 EQQAGASSAT ANGISUUT

8.1 EQQAGASSAT ANGISUUT SUUPPAT

Eqqagassat angisuut tassaapput atortut igitassanngortitat, soorlu pequtit, madrassit, natersuit, illup iluani pisattat igitassanngortitat, fjernsynit, cykelit, aneerussutit, igaffimmi/errorsarfimmi atortorissaarutit assingusullu.

Tamatigoortutut ivertitikkat qajannaarsukkat eqqagassanut angisuunut aaqqiissummi ilaangillat. Assersuutigalugit tassaapput perusuersarfiit asaffiillu. Eqqagassanut angisuunut aaqqiissummi ilaangitsut tassaapput allanngortiterinernit, isaterinernit, nutarsaanernit, kiisalu nutaanik illuliornernit sanaartornermit eqqagassat.

Aaqqiissummissaaq ilaangillat eqqakkat nalinginnaat, issoq assataq, avatangiisinut navianaatilittut eqqakkat, kiisalu eqqakkat atoqqinneqarsinnaasut, taakkununga immikkut ittunik aaqqiissuteqartoqarluni.

8.2 AAQQIISSUT KIKKUNNUT ATUUPPA

Kommunimi najugaqarfiusuni suliffeqarfiit, paaqqinnittarfiit umiarsualiviillu tamarmik.

8.3 AAQQIISSUMMUT NASSUIAAT

Kommunimi atoqqitassaasivinnut eqqakkat assartornissaannut tunniunnissaannullu eqqagassaqalersitsisup nammineq isumaginninnissamut pisussaaffigisaanik najugaqarfinni tamani innersuussinissamut aaqqiissusiortoqarpoq.

Atoqqitassaasivimmi ingerlatsinermut sulisup innersuussutai malittarineqassapput, aammalu tamaani allagartarsuit malittarineqassapput. Immersuiffimmut kukkusumut eqqakkanik igitissagaanni ingerlatsinermut sulisut innersuussutai malissallugit, aammalu immersuiffiusup kingornatigut immikkoortiteriffiginissaanut pisussaaffeqartoqarpoq.

Eqqakkat toqqaannartumik atoqqinnissaannut naleqquttuuneri ingerlatsinermut sulisup nalilersussavai. Taamaassanngippat aaqqiissutini 1-imit 7-imut malittarisassiat malillugit allatut eqqaanissamut periarfissamut innersuussisoqarumaarpoq.

Eqqakkanut angisuunut toqqaannartumik atoqqitassanut akitsuummik akiliisoqarneq ajorpoq.

8.4 ATOQQITASSAASIVIIT

Najugaqarfinni tamani atoqqitassaasiviliortoqassaaq (immikkoortiterneqartutut atoqqinneqarsinnaasunut atortussanut inissiisarfik):

Najugaqarfik	Inissiivik
Qaanaaq	Eqqaavissuup eqqaani
Siorapaluk	Eqqaavissuup eqqaani
Qeqertat	Eqqaavissuup eqqaani
Savissivik	Eqqaavissuup eqqaani
Upernavik	Eqqaavissuup eqqaani

Kullorsuaq	Eqqaavissuup eqqaani
Nuussuaq	Eqqaavissuup eqqaani
Nutaarmiut	Eqqaavissuup eqqaani
Tasiusaq	Eqqaavissuup eqqaani
Innaarsuit	Eqqaavissuup eqqaani
Naajaat	Eqqaavissuup eqqaani
Aappilattoq	Eqqaavissuup eqqaani
Kangersuatsiaq	Eqqaavissuup eqqaani
Upernavik Kujalleq	Eqqaavissuup eqqaani
Uummannaq	Eqqaavissuup eqqaani
Nuugaatsiaq	Eqqaavissuup eqqaani
Illorsuit	Eqqaavissuup eqqaani
Ukkusissat	Eqqaavissuup eqqaani
Saattut	Eqqaavissuup eqqaani
Ikerasak	Eqqaavissuup eqqaani
Niaqornat	Eqqaavissuup eqqaani
Qaarsut	Eqqaavissuup eqqaani
Ilulissat	Eqqaavissuup eqqaani
Saqqaq	Eqqaavissuup eqqaani
Qeqertaq	Eqqaavissuup eqqaani
Oqaatsut	Eqqaavissuup eqqaani
Ilimanaq	Eqqaavissuup eqqaani

Atoqqitassaasiviit ammasarfiini eqqagassat eqqagaanissaannut ilisersuisartussanik ingerlatsinermut sulisoqartassaaq. Ammasarfiit kommunip nittartagaani takuneqarsinnaapput.

Malittarisassiani makkunani innersuussinermit aaqqiissutit najoqqutaralugit eqqakkanut eqqarneqartunut tigooraanermut atortorisat pisuni amerlasuuni atoqqitassaasivinnut atatillugit pilersinneqarsimassapput.

9 ILLULIORLUNILU SANAARTORNERMIT EQQAKKAT

9.1 ILLULIORLUNILU SANAARTORNERMIT EQQAKKAT SUUPPAT

Illuliorlunilu sanaartornermit eqqakkat assersuutigalugit tassaapput qalianut qaleqtissiat, betonngit, gipsit, kiffiutissat, issoq, asfalti, ujaqqat kiisalu savimerngit sisaallu.

Illuliorlunilu sanaartornermit eqqakkat nutaanik sanaartornernut, allanngortiterillunilu iluarsaassinernut, kiisalu isaterinernut atatillugit pinngortarput.

9.2 AAQQIISSUT KIKKUNNUT ATUUPPA

Kommunimi najugaqarfiusuni suliffeqarfiit, paaqqinnittarfiit umiarsualiviillu tamarmik.

9.3 AAQQIISSUMMUT NASSUIAAT

Sapaatit akunnikkaartumik eqqakkat 50 m³-nik annertuneruleraangata illuliorlunilu sanaartornermit eqqakkat igitassat nalunaarutigineqartassapput. Aammattaaq sapaatip akunnikkaartumik eqqagassaqalertitsineq apeqqutaatinnagu suliniutinut ataasiakkaanut sanaartorfiup nalaanut tamarmut eqqakkat tamakkiisut 100 m³-iulerpata nalunaaruteqartoqassaaq.

Eqqakkanik nalunaaruteqarneq eqqakkani suussuseqatigiikkuutaatut immikkoortunut tamanut pissaaq, tassalu annertussutsit nalunaarutaasut tamakkiisutut eqqagassat annertussusaat qaangersimaneranni.

Aallartisaanissamut piffissamik, aammalu kingunerisaatut eqqagassat annertussusaannik suliffeqarfiutilik ilisimannilertorlu nalunaaruteqarneq pissaaq.

Sanaartukkani eqqagassat nalunaarutigineranni atugassatut immersuiffissaq atorlugu Sanaartornermut Avatangiisinullu Ingerlatsisoqarfimmut nalunaaruteqartoqassaaq.

Immersuiffissaq kommunip nittartagaani pissarsiarineqarsinnaavoq.

Illuliorlunilu sanaartornermi eqqagassat ingerlatsineranut sulisup innersuussutai malillugit immikkoortiterneqassapput.

10 MISILERAANERMUT AAQQIISSUT

10.1 MISILERAANERMUT AAQQIISSUT SUUA

Misileraanermut aaqqiissutip siunertaa tassaavoq eqqakkanik atoqqinneqarsinnaasunik atugaqqilernermik aallartisaanissaq.

10.2 AAQQIISSUT KIKKUNNUT ATUUPPA

Suliffeqarfiit, paaqqinnittarfiit umiarsualiviillu tamarmik.

10.3 EQQAKKANIK ATOQQIISSINNAASANIK NASSUIAAT

Piffissap ingerlanerani eqqakkat atoqqinneqarsinnaasut tamarmik atoqqitassanngortillugit immikkoortiterneqartalernissaat, aammalu pilerfii aallaavigalugit immikkoortiterneqartalernissaat isumaavoq.

Eqqakkanut atoqqinneqarsinnaanissaannut naleqquttunut assersuutit:

- Puiaasat imertarfiillu
- Pappi
- Pappiala
- Gipspladit — amerlasoorsuakkuutaat
- Betonngi aamma jernbetonngi mingoqanngitsoq
- PVC-plastikki manngertoq (soorlu sanaartornermi atortut, qaliap sinarsuagut kuuffiit, qaliillu sinaanit kuuffiit)
- Biilit assakaasui (assakaasup unittaatai (fælgii) assakaasullu iluani pullattagaq (slange) pinnagit)

10.4 AAQQIISSUMMUT NASSUIAAT

Piffissami matumani eqqakkanut atoqqinneqarsinnaasunut misileraanermut aaqqiissummik pilersitsisoqarsimangilaq.